



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 41. Patrum Auctoritas adducitur.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

dium attuliffem, pro veritate disputabam; Sæculum V.
A. C. 431.
 obstupui, quod eam impugnaret, & quæ-
 stione absurda respondentem me vellet co-
 gere, vel absolute negare, Divinitatem
 Filii unici carnem assumpsisse, vel fateri,
 Divinitatem Patris, Filii, & Spiritus S.
 cum Verbo Divino in carne venisse; quod
 dicere Hæreticum foret. Itaque maligna
 hæc erat interrogatio, & in eum finem
 formata, ut fidem destrueret. In alia con-
 versatione Episcopus, ex illis, qui cum i-
 pso erant, profatus, dixit, alium esse Fi-
 lium, qui passus est, & aliud Verbum Di-
 vinum. Cum Blasphemiam non ferrem,
 valedixi huic Cætui, & discessi. Alius,
 qui cum Nestorio erat, patrocinebatur
 Judæis, dicens, ipsos non in Deum, sed in
 hominem peccasse.

§. XLI.

Patrum Auctoritas adducitur.

Flavianus deinde petiit, ut hæc Doctri-
 na Auctoritate Patrum firmaretur,
 eorum verba legerentur, & ad Acta re-
 ferrentur. Petrus Presbyter dixit: *Pa-*
ratos habemus Libros Patrum, Episcopo-
rum, & Martyrum, ex quibus paucos ex-
cerptissimos articulos; legam, si ita placet.
 Flaviano id rursus petente, legit locum
 ex Libro S. Petri, Episcopi Alexandrini,
 & Martyris, de Divinitate; alium S. A-
 thanasii contra Arianos, alium ex ejusdem

p. 508.

Sæculum V. Epistola ad Epictetum, alium ex Episto-
 A. C. 431. la S. Julii Papæ ad Docimum, alium ex

Epistola S. Felicis Papæ ad Maximum,
 & Clericos Alexandrinos, loca duo ex
 Epistolis Paschalibus Theophili Alexan-
 drini, nempe ex quinta, & sexta. Ex
 his omnibus nihil, nisi Epistolam S. Atha-
 nasii habemus. Petrus Presbyter locum
 aliquem etiam legit ex Tractatu de Elee-
 mosina S. Cypriani, duo ex Tractatu
 S. Ambrosii de Fide, unum ex Epistola
 S. Gregorii Nazianzeni ad Cledonem, in
 qua Anathemata continentur, unum S.
 Basilii, unum S. Gregorii Nysseni, duo
 ex Attico Constantinopolitano, duo ex
 S. Amphilocho, cujus opera ad nos us-
 que non sunt transmissa. Univerſim
 duodecim hic numerantur Patres, quo-
 rum Auctoritas adducitur; verumtamen
 in quibusdam exemplis duo ultimi omit-
 tuntur, atque Vincentius Lerinensis de-
 cem tantum recenset.

Comm. 2.

p. 520.

Petrus Presbyter dixit: *Habemus hic
 Libros Blasphemiarum Reverendissimi Ne-
 storii, atque ex uno eorum aliquos arti-
 culos relegimus. Si sancto Concilio pla-
 cuerit, legemus. Flavianus Episcopus
 dixit: Legantur, & in Acta referantur.*
 Omnes Episcopi consenserunt, Lecti
 sunt viginti articuli ex Nestorii libro, seu
 sermonum ipsius Collectione, in libellos
 divisa, quorum ad viginti septem nume-
 rantur.

rantur. His prælectis, Flavianus dixit: *Sæculum V. A. C. 431.*
Cum hi Nestorii Sermones sint horrendæ Blasphemie, Actis inserantur! ad ejusdem condemnationem confirmandam.

Petrus Presbyter dixit: *Reverendissimus Metropolita, & Episcopus Carthaginensis, Capreolus, ad sanctum Concilium Epistolam dedit, quam attulit Diaconus Bessula. Legam, si jubeatis; translationem quoque legam.* In hac Epistola referebatur, S. Augustinum, nominatim vocatum ad Concilium, cum Epistola Imperatoris afferretur, e vivis ad Beatos avolasse; & quamvis eadem Epistola ad S. Augustinum singulariter fuisset directæ, Capreolum, ea accepta, ad omnes Africæ Provincias scripsisse, ut Concilium Nationale convocaret, in quo ad Concilium Universale mittendi deligerentur; at vero Gentium illarum ingens calamitas, & Vandalorum grassationes, causa fuere, ut Episcopi congregari non possent. Etiam constitutum temporis spatium, quo venirent, Afris nimis breve erat. Imperatoris Epistolæ demum ad Festa Paschalia Carthaginem perlata, ita ut vix duo menses usque ad Concilii Universalis diem superessent, quod temporis intervallum congregando totius Africæ Concilio, etiamsi illa Provincia fuisset pacata, non sufficiebat. Itaque cum Legationem solemnem Capreolus

p. 529.

H s ador-

Sæculum V.
A. C. 431.

adornare non posset, ut saltem Disciplina Ecclesiasticæ satisfaceret, & debitam Synodo universali Reverentiam exhiberet, Diaconum misit, qui absentia causas exponeret. Ergo rogabat Episcopos, ut illis, qui novam Doctrinam in Ecclesiam inducere conarentur, fortiter resisterent, nec ea, quæ definita jam essent, rursus in dubium vocari paterentur, nec Patrum Doctrinam contemni. S. Cyrillus petiit, ut hæc Capreoli epistola actis infereretur, quia clarissimum ferebat testimonium, antiqua Fidei Dogmata esse asserenda, & rejicienda nova. Omnes Episcopi exclamarunt: *omnes idem sentimus, idem exoptamus!*

§. XLII.

Sententia in Nestorium lata.

His peractis, Sententia in Nestorium lata in hæc verba: *Cum Nestorius præter alia perperam facta a nobis citatus non obedierit, & Episcopos a nobis missos non receperit, impias propositiones ejus examini subicere coacti sumus, & postquam partim ex suis epistolis, partim ex aliis scriptis, partim ex verbis suis, quæ his diebus in hac Civitate protulit, omnibus per testes confirmatis, convictus est, quod impia credat, & doceat, ad hanc necessitatem compulsi per Auctoritatem Canonum, & Epistolæ nostri Sanctissimi Patris, & Collega*